

重刻漢中府志



00132

05141

05140

陝西省教師進修學院

圖書館藏書章

陝西教育學院
圖書館藏書章

漢南續修郡志卷之十七

鳳縣人物卷下

漢中府知府楚南嚴如煜重輯

唐

吳郁

渭南師範學院
圖書館藏書章

按方輿勝覽吳郁兩當人爲侍御史以言事被謫居家不仕與杜子美交游唐常績墨數吳郁字體縣密不讓當時又按寰宇記鳳州兩當縣因界內兩當水爲各水經注兩當水出陳倉之大散關今兩當縣屬秦州吳郁不應載之鳳縣但兩當昔爲鳳之附邑舊志仍附於鳳故存之

強

循

官雍州司戶參軍華原無泉循教人浚渠水以灌田人利之號強公渠

宋

張

珏

初從軍釣魚山以戰功官中軍都統制寶祐末元兵圍合州珏與王堅協力堅守不下德祐初爲四川制置使糧盡不支

東走被執至西安

明

漢南續修郡志

卷之十七

鳳縣人物下

一

何福全

洪武中以人材初任縣丞遷威州守

劉宏道

舉人官御史獨持

姜斌

舉人官北城兵

梁春

永樂間以經術用官至兩淮

石玫

舉人家貧為諸生時拾遺金五百

辛思齊

舉人官天津參政清慎著名歸里後賊

牛彩

萬歷中以明經為成都教授士奉為

牛光斗

彩之子也由明經知開封府事李賊決河灌城光斗以船救

之稱

一

牛一豸

光斗之子也以明經為固原學正王輔臣

王多才

崇禎間以明經為慶陽廣文卓然師範可

辛宏

性最孝成化中父歿廬於墓有鵲巢鹿遶之異

皇清

惠大剛

邑多虎患能以挺制虎虎不能動前後

黎屏極

武生崇禎七年流賊破城挺身巷戰自辰至午以刀折被殺

王天章

賦性溫良持躬謹慎父死廬墓三年母疾衣不解帶人言無間孝義可風乾隆二年

王應舉

効力行間屢著勞績乾隆三十七年以把總從征金川陞授千總三十八年六月內禦賊於三勝溝堵截力窮死之祀昭

忠祠

劉澤長

漢鳳丘家貧灌園為業母蒲有足疾每遇親族慶弔及幽靜可遊觀之所輒負母至以悅之新蔬出必使母先嘗而後售

母嗜飲豆漿每晨必購之母死泣血喪明不數載而沒

王永盛

事母周病煩渴煮茗必城東五里之龍泉水而渴少解風雪之期永盛必親往汲之家貧菽水承歡終身無忤色

劉珩

少失怙雞聲茅店聊資餬口母董見人難窘輒令其推解珩日吾不視無形聽無聲曾是區區者而不能勉尚可以為子

平其能養志如此

鄭明

年十四繼母潘氏市中新蔬菓必先購之嘗其母數十年如一日居喪哀毀盡禮歲時薦新無間

鳳翔縣志

卷之十七

鳳翔縣人物下

二

張

榮

母李多疾家徒壁立爲傭以供藥餌菽水承歡數十年如一日

鳳縣

列女

五代

貞女

失其姓為梁將所掠義不受辱將亦不敢犯及卒葬於縣北名貞女墓後漢王仁裕撰文立碑

明

劉氏

梁雲高妻高為廣平司訓沒於官氏年二十二子校生甫七月矢志堅守教子入邑庠鄉閭咸服其節

劉曇

妻某氏失其姓夫病久調治備極篤摯及沒自縊以殉

馬貞女

馬義之女崇禎時賊張獻忠破城以女有殊色執之欲挾去女閉目不從鞭之佯死終不應賊粉其身死

來烈婦

貢生盧效先妻崇禎間賊過天星獲之氏觸樹自絕

皇清

曲氏

生員張鳳儀之妻夫亡氏年二十二性成柔順操勵艱貞守節五十八載雍正八年旌表

馮氏

彭博萬之妻年二十三夫亡賦性堅貞持躬謹慎乾隆二年旌表

羅氏 生員賈漢翼之妻年二十夫亡志同

董氏 金石節並松筠乾隆二年旌表
王祿之妻年二十八夫亡柔順成性循

辛氏 曹自睿之妻夫亡氏年二十一冰霜
勁節誓死不二乾隆十五年旌表

曹氏 羅世彩之妻夫亡賦性堅貞持
躬淑慎乾隆十八年旌表

吳氏 羅禮之妻青年矢志白首完
貞乾隆二十一年旌表

文氏 兵丁馮泰之妻適泰甫一載泰調戍西域逾五月生一子家貧
事姑以孝稱泰役竣至蘭州病沒氏哭泣假貸扶夫襯得歸葬

姑死喪祭能盡禮教子
成立苦節四十餘年

楊氏 趙元之妻年二十七夫亡親老孤幼氏仰事俯畜無憾夜
則篝燈課讀垂三十餘年子希素採芹鄉黨稱其節孝

胡氏 朱漢林之妻年十九夫亡二月生遺腹子希聖室如懸磬氏茹
苦守貞以紡績給生教子得成立苦節五十餘年鄉人稱為巾

人 幃完

鄧烈婦 黎輔清之妻嘉慶三年教匪掠村氏啓門欲逸賊踵至刼氏
同行不從賊強挽之卽刺目毀面血濺賊衣遇害有群鳥以

羽護
其屍

張氏

劉克念之妻年十八夫亡遺腹子運亨柏舟自矢剪髮毀容撫子成立年六十四而歿

鄭氏

兵丁趙璽之妻璽換防關外亡時氏年二十二子禮

崔世榮

偕子崔成均為漢鳳營兵先後勦賊陣亡世榮妻顧氏成均妻張氏姑媳茹苦守貞撫遺孤泰嶽成立邑紳請旌知府嚴

如燈表其門
曰奕世忠貞

鄭氏

于學海之母夫死撫孤成立能以義禮相訓誨鄉里以氏為節婦而兼賢母焉

寧羌州

人物

明

謝

愷

舉人有文行士林推重為邑宰非俗吏也

劉

爰

性仁孝宏治間以明經宦大同歎曰與其離吾親而受祿孰若菽水承歡以待吾親耶遂乞歸養康狀元海為文贈之

謝思道

性廉介舉人同知夔州府事立心鯁直人呼謝青天

王良臣

舉人督餉九門才能大著激江出守遷運使所至有聲

李琛

工詩文隱居樂道年八十餘終

傅汝礪

進士知彰德府府當衝要游刃有餘又以清廉特著

景承芳

進士官山西副使有惠政歸鑿渠築堰民賴其利

尹作賓

舉人為翰林院待詔著作甚富

葉期化

舉人汾州司理敏於聽訟冤獄一清

王致中

良臣之孫進士官兵部主政初為太原司理以清直致忌謫河南知事陞靈寶知縣拯困起衰救荒卹驛靈民感懷

劉廷謨

寧衛人進士由兵部郎中出守大名歷山西參政所至有赫赫名居鄉條陳利弊有裨梓里

王彥葵

致中子舉人父亡年十五哀毀如禮事母蘇宜人能以色養於弟則以產讓於女弟則厚其貲以嫁之皆人所難也親老

不上公車者三十年後為夏縣尹燭照民隱歷錦衣衛經歷卒

張錦

寧衛人為寧夏百夫長蜀寇起錦引兵至秋坡與賊戰擒斬頗多以兵寡不支而死

王正紀

致中之姪也舉人專治春秋為後進師表

王履泰

寧衛指揮同知崇禎八年夜半賊陷城泰隻身殺賊賊圍之樓焚下復與賊戰死同時有曹雲梯為寧衛鎮撫城陷雲梯

分守東角樓殺數人被執罵賊而死奏聞俱受贈卹

徐大行

寧衛指揮崇禎十年流賊破城行守東角樓被執持刀怒罵賊斷其指刀乃墮遂剖其心奏聞優卹

王彥芹

致中遺腹子舉人初令陵巴陵當殘破撫字不遺餘力調新城一年新城又陷被殺贈卹事

皇清

侯維垣

歲貢侯甸拔貢侯堅之祖父少失怙恃祖母鞏鞠養之維垣亦能盡孝州牧張旌日報劉口短垣之子若孫均有聲庠序

勵行能
守家學

高可權

庠生稱善士家素裕好施與族黨貧乏者婚喪咸有助設館延師教鄉子弟歲歉借粟以濟人急子秉直秉哲能繼其志

直子尚端哲子
尚賢俱入泮

王秉聰

秉濬俱舉人父早亡母堅志撫孤聰濬幼讀手不釋卷同歲入泮益奮勵學業日進丁酉科同榜中式秉濬任四川清溪縣知縣有惠政秉聰銓教職勤於訓課至今人尚稱之

龍有雲

舉人幼聰敏知友愛十二歲入泮旋由選拔中式學邃品端遊其門者至今奉為典型所行事多足為名教重

王光昌

貢生性耿直是非曲直士林最奉為師表訓學徒成材最廣著有直養文集其弟貢生光甲子廩生均成俱孝友善文克承家學

李天培

庠生號三植性孝友亢直不阿同學推重之於學校中修文昌宮建魁星閣皆率先經理不辭勞瘁訓子弟嚴而有禮弟作樑子時生均中式子姪列名庠序者甚眾雍雍儒雅人皆謂生教養有法云

閔德言林挺生林逢春

均庠生嘉慶二年川賊侵軼德言等合鄉勇禦之屢有殺獲賊恨之合大隊來攻遂不支

為賊所執脅之不屈皆罵賊而死

陳希正

貢生賊破其村落正衣冠自縊而死

郭鮮脩

庠生嘉慶二年率勇截堵川賊力戰而死

馬世泰

武生嘉慶三年五月賊突入生衛母不避死之

宋啟祥

武生為人端方善能化俗嘉慶四年賊匪滋擾率領團勇截要路胸帶重傷而死

彭登謐

賊犯茅坪溝被執假降夜半手刃頭目羣賊亂刃斃之

杜學曾

性敦孝友睦和鄉里五世共爨為賊所執脅之降不從及拔營夜殺守者逃歸現年六十有六

魏超

賊犯黃壩驛率寨勇堵絕為賊所執迫降不屈斷左臂割右耳皆絕未死太守嚴賞給蹈刃成義匾額

王瀛

武生品端能幹事當道無不重其人然守非公不至之義甚堅有過客莊龍驟病卒於大安旅舍生為之經理其喪所留

衣物代藏之數年不遺寸縷知府莊振為其族人欲歸其櫬感生之義給忠信可風匾旌表於門現年五十有五

周倬

恩貢為人質直學淵博善教孝友無間言年七十有三

黎長卿

歲貢性醇厚學業宏通事親以孝訓學徒有法舉鄉飲大賓年七十有一

李朝宗

事親孝敬教弟成名四世同居子若孫俱入膠庠學政馬給菊泉風古匾享年八十有八

趙

瑞敬老慈幼和睦宗族濟鄰里之急恤鰥寡之苦州

趙

琛克敦孝弟恭敬有禮鄉里咸重之州牧易

閔

梁貢生品端學優教徒成立

周長發

武生賦性正直濟貧拯急常如不及州中習武者多出其門其教先以禮讓為本雖武弟子皆彬彬儒雅學政陸給匾曰

材育
干城



寧光州

列女

明

蔡氏

太學生駱文彥妻彥遊太學氏傾廬以給之夫死年二十六一子方數月家貧塵釜無炊晏如也子入泮旋夭折復撫二孫年

八十餘卒

張氏

幼聰慧能文年十五適諸生鈕尙志夫故誓死不二孝於翁姑死則營葬嘉靖間奏准旌門

許氏

庠士張講妻夫卒遺孕三月始生襁褓育孤冰霜自矢院道旌之

張氏

庠士蔡廷聘妻年二十四夫死晚姑性厲氏委曲承順卒得其歡子幼能教育之當道建坊旌表

蔡氏

適諸生張四聰夫故氏年二十二家貧事翁姑育子女八十三歲而歿

靳氏

寧光衛靳子義之女年十六適生員王以諫環堵蕭然夫亡以身殉就縊姑蕭救解曰我夫亡子卒依汝終身何可以死婦恸

然從命孝養其姑視夫存日尤謹哀感時對姑則飲涕爲笑未幾姑病亡殮後氏向王生靈曰我事畢得見君於地下矣乘間縊於

姑柩之側時年二十有二蜀人郭慶年爲之傳

孫氏 趙洛妻年十九而洛死 事親撫子從一而終

王氏 指揮楊國禎妻年十七而適楊愛前妻幼女如已出越三年生 子百日而楊歿堅志立節育子長而襲父職孀居六十餘年

靳烈婦 岸土曹良輔妻崇禎八年賊破城氏自度不免對夫自縊曹 被執見賊將害州守曹泣曰清如羅公囊無半文必欲殺之

願以身代賊義之俱免害 有司表其門曰節義齊芳

蔡烈婦 生員沈文斗妻冠至夫婦被執冠欲殺 沈氏請以代冠不從氏怒罵俱被殺

張烈婦 谷自登妻城為賊陷登適往他所氏囑子曰汝雖幼汝父清 白傳家汝母敢為賊汗耶遂自縊婢解之氏呼其夫觸牆而

死督臣洪旌其 門曰節烈正氣

皇清

李氏 王詔之妻夫亡年十九遺子甫三月 事翁姑撫孤兒堅志守節六十一年

張杜氏 年一百歲乾隆 十四年旌表

王氏 唐思恭妻夫亡氏年二十七勤操紡織孝養孀姑撫子 成立孫為州庠州牧趙給節並松筠匾守節五十七年

馬氏 州同趙呵之妻夫亡年二十九苦節自守孝親 敬長曲盡婦道撫子孫俱成立年八十六歲